

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

602

483

099

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj: 05/01-04-43277-17/21
Sarajevo, 25.01.2022. godine

SKUPŠTINA KANTONA SARAJEVO
n/r Elvedin Okerić, predsjedavajući

PREDMET: Dostava odgovora na zastupničku inicijativu - zastupnica Segmedina Srna-Bajramović

Zastupnica u Skupštini Kantona Sarajevo Segmedina Srna-Bajramović, na nastavku 45. Radne sjednice Skupštine Kantona Sarajevo, održanom 14.12.2021. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, uputila je Ministarstvu komunalne privrede, infrastrukture, prostornog uređenja, građenja i zaštite okoliša, zastupničko pitanje u pisanoj formi, kako slijedi:

„Na osnovu molbe roditelja učenika JU OŠ „Osman Nakaš“ podnosim inicijativu Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvu za odgoj i obrazovanje i Ministarstvu finansija Kantona Sarajevo da u okviru projekta „Energijska efikasnost u javnim zgradama Kantona Sarajevo“ na čijem se spisku za realizaciju u 2022. godini nalazi i JU OŠ „Osman Nakaš“, posebno obrate pažnju da na postojećim radiatorima izvrše postavljanje regulatora toplote-ventila, jer trenutno je u učionicama nemoguće na drugi način vršiti regulaciju toplote osim otvaranjem prozora, što predstavlja zdravstveni rizik za učenike tokom hladnijih dana, a prozori se otvaraju i u toku velikih vrijednosti prekomjernog aerzagadenja što je i dodatni rizik.

Roditelji mole da se u isto vrijeme poduzme obnova sale za tjelesni odgoj koja često usljed padavina bude poplavljena i time su učenici onemogućeni da je koriste i po više dana. Roditelji su obaviješteni da je projektom „Energijska efikasnost u javnim zgradama Kantona Sarajevo“ predviđeno samo obnavljanje krova sale, te ukoliko je to istina molim da se uradi cjelovita obnova sale u istom periodu kada se bude realizovao projekat „Energijska efikasnost u javnim zgradama Kantona Sarajevo“ kako ne bismo ostavili učenike bez sale.

Ukoliko sredstva za kompletnu obnovu sale nisu planirana kroz projekat „Energijska efikasnost u javnim zgradama Kantona Sarajevo“ ova inicijativa predstavlja ujedno moje učešće u javnoj raspravi po pitanju Nacrta budžeta za 2022. godinu, te molim da je Ministarstvo finansija sa ostala dva ministarstva razmotri.“



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



ODGOVOR:

Objekat JU Osnovna škola „Osman Nakaš“ se nalazi na listi javnih objekata za koje je planirano provođenje mjera energetske efikasnosti i obuhvaćen je projektom „Energijska efikasnost u javnim zgradama Kantona Sarajevo“, koji se realizuje iz kreditnih i grant sredstava EBRD-a.

U prethodnom periodu, izvršen je uviđaj na licu mjesta, snimljeno trenutno stanje objekta, te urađen detaljni energetska audit, kao i glavni projekat kojim su između ostalih, obuhvaćene i mjere navedene u zastupničkom pitanju. Navedenim projektom je predviđena sanacija i utopljanje ravnog krova, zamjena staklenih prizmi loših termičkih karakteristika, te utopljanje fasadnih zidova kako sale za tjelesni odgoj tako i kompletne objekta škole.

Projektom mašinskih instalacija planirana je zamjena i ugradnja novih termoregulacionih ventila na radiatorima, te će se na ovaj način vršiti kontrola i regulacija temperature u prostorijama.

Radovi predviđeni u okviru implementacije energetske mjera su vezani za sanaciju u cilju povećanja energetske efikasnosti i smanjenja gubitaka energije u javnim objektima, te shodno navedenom radovi na unutrašnjoj sanaciji sale za tjelesni odgoj nisu obuhvaćeni ovim projektom.

S poštovanjem,


MINISTAR
Enver Hadžiahmetović, dipl. ing. maš.

Dostaviti:

- Naslov
- Služba za skupštinske poslove
- Sekretar Vlade Kantona Sarajevo
- Evidencija (2X)
- a/a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086.
Fax: + 387 (0) 33 562-177

Sarajevo, Reisa Džemaludina Čauševića 1

